



PWS PAPIAMENTO 2020-2021

TOPICO DI AÑA ESCOLAR 2016-2017:

PAPIAMENTO Y CULTURA

SECCION PAPIAMENTO COLEGIO ARUBANO
Ciclo Avansa HAVO 4/ VWO 5:

Ralph Croes, M.Ed.,
Swinda de Cuba, M.Ed.,
Zuleika Silva, M.Ed.,

Aruba, juli 2020

A. LISTA DI TOPICO PA PWS PAPIAMENTO

Topico di aña escolar 2020-2021: Papiamento y cultura

Seccion Papiamento ta encurasha cada alumno di H4 y V5 pa scoge un topico di propio gusto y controla cu bo docente di guia (*begeleider*) pa bo haya aprobacion di bo topico. Un topico di propio gusto semper ta conduci cu e alumno ta mas interesa den e topico y consecuentemente ta conduci na mas atencion y dedicacion pa e proyecto. Na su turno un alumno cu scoge un topico di propio gusto, ta score mas miho cu otro alumno di modo obligatorio ta hay'e ta scoge un topico.

Aki ta sigui algun topico di sugerencia:

1. Papiamento y su desaroyo den cantica/musica:
 - a. tumba,
 - b. dande,
 - c. calypso,
 - d. tipico (18 di maart)
2. Cancionnan pa dia 18 di maart: expresion of keho ?
3. Uzo di Papiamento den cancion moderno.
4. Papiamento na aña 1900 y awo; cua ta diferencianan mas grandi ?
5. Rol di Papiamento den tempo di Lago.
6. Palabranan regional (10) y nan diferencianan; region y uzo.
7. Desaroyo di Papiamento den media:
 - a. organisacion media digital di noticia;
 - b. control di gramatica den texto di corant.
8. Desaroyo di Papiamento den enseñansa.
9. Rol di Papiamento na scol.
10. Uzo di Papiamento den deporte.
11. Uzo di Papiamento cu caracter ofensivo/vulgar/insultivo.
12. Trend modern di ortografia:
 - a. den texting entre hoben,
 - b. den texting entre persona di edad avansa,
 - c. Papiamento den moda.
13. Papiamento den religion.
14. Papiamento den construccion.
15. Papiamento den area culinario.
16. Contamento di storia na Papiamento.
17. Literatura di Papiamento.

B. ELABORACION:

1. Di e topico di escogencia ta formula un pregunta general y ta deriva di esaki tres pregunta specifico. E preguntanan specifico ta tres area di investigacion riba nan mes. Dunando contesta riba e preguntanan aki, ta contesta e pregunta general.
2. Ta haci un estudio literario cu minimo 5 fuente (internet, documento, buki). Esaki ta pa acumula informacion, pensamiento, observacion di otro hende, historia y dato. E ta amplia e conocimiento di e alumno pa e por formula su propio pensamiento riba e areanan di investigacion.
3. Ta haci un estudio practico di minimo 1, sea den forma di lista di pregunta pa entrevista, encuesta, comparacion of analisis. E hoben ta mira y experiencia idioma den practica. Asina e ta compara teoria cu practica, formando asina su mesun conclusion.
4. E hoben ta elabora su observacionnan riba e tres preguntanan specifico, ta formula su conclusion y presenta su recomendacion. Esaki ta parti den capitulonnan specifico.
5. Uzo di idioma Papiamentu den e relato, riba nivel ortografico, gramatical y semantico ta corectamente aplica.

C. LAYOUT

- a) letter: calibri 12
- b) espacio: 1.15
- c) numeracion di pagina: banda drechi, abou
- d) cantidad di pagina: minimo 8-maximo 10, excluyendo pagina di portada, contenido, bibliografia y anexo.